

392
950

DECRET
CRIMINEL
CONTRE
LE CARDINAL
MAZARIN
ET SES PARTISANS,
Sur sa sortie hors de France.

A PARIS,

M. DC. LI.

DEGRET

CRIMINEL

CONTRE

LE CARDINAL

MAZARIN

ET SES PARTISANS

Sortis de France


A PARIS

M. DC. LI



DECRET CRIMINEL

contre le Cardinal Mazarin &
ses Partisans sur sa sortie
hors de France.

 Empereur des Tenebres estant aduertty par vn Demon de la Terre que Iulles Mazarin Ministre iniuste de la France, se preparoit à venir faire sa demeure dans son Empire infernal, fit des heurlemens si espouventables, qu'ils firent fremir tous les Demons, & redoublerent tellement les tourmens des damnez, que croyans estre tous perdus d'une ruine commune, ietterent reciproquement des cris, qui firent retentir les lieux les plus reculez de son Empire; puis tous transis d'effroy & d'espouuancement, demurerent ensevelis dans vn profond silence, pour apprendre qu'elle estoit la cause de ces mouuemens si extraordinaires. Mais ils furent bien estonnez, quand ils reconnurent la parole de leur Maistre, qui d'une voix rauque & toute espouuantee prononçoit le redoutable nom de Mazarin, avec des apostrophes qui monstroient assez qu'il auoit grand peur de perdre sa couronne: Ce qui le fit croire que ledit Mazarin leur apportoit se-

A ii

coursa l'encontre de luy & de tous les Demons
 qu'ils tourmentoient, ils s'assurerent tellement
 en ses forces, en ses ruses accoustumées, & en la
 cruauté dont il a toujours traité les hommes,
 qu'ils se croyent desia affranchis de leurs peines,
 ils brisent leurs chaines, forcent les cachots, rô-
 pent les portes, courent de cauerne en cauerne,
 crient aux armes comme des enragez, on n'en-
 tend rien que menasses, qu'iniures, que blas-
 phemes accompagnez de coups, tout est en di-
 uorce & en querelle, & on ne connoist plus les
 Demons d'auec les damnez, si ce n'est que les
 damnez sont pires que les Demons, bref, la re-
 uolte estoit generale. Le pauvre Empereur des
 Tenebres bien estonné d'un tel tintamare, pësoit
 que sa republique s'en allast bouluerser de fond
 en comble, & qu'il estoit à la veille de perdre son
 Emp. diabolique, il a recours aux armes, & sans
 perdre tēps lance les esclats de son tonnerre sur
 ces ames reuoltéz, & les alloit accabler d'un de-
 luge de feux si d'elles-mesmes elles ne se fussent
 retiréz dās leurs basses fosses, n'ayans point ren-
 contré le chef qu'elles destinoient pour leur cō-
 duite. Ce Prince Infernal ne laissa pas d'en pour-
 suivre la vangeāce par un réfort de nouueaux su-
 plices, & apres les auoir chargé de chaines, de
 manotes & d'étraues, il n'espargne ni le fer ni l'a-
 cier pour fortifier les baricades de leurs cachots:

Et

Et pour asseurer dauantage sa personne, fait as-
ssembler tous les Estats, pour deliberer des moyens
necessaires pour obuier à vne conspiration si ma-
nifeste, lesquels enfin apres plusieurs consulta-
tions, ont prononcé l'Arrest qui s'ensuit.

Le grand Empereur Pluton, Prince redoura-
ble des Legions desesperées, & digne heritier
des Enfers, à nos fideles & bien amez Lieute-
nans aux affreuses cauernes de nostre Empire,
salut, Sur l'aduis qui nous a esté donné par les
gardes commises par nous à la gueulle de l'abyss-
me, où sont detenues les Cains, Barrabas, Cam-
bises, Romulus, Tarquin le Superbe, Helioga-
bale, Neron, Denis le Tyran, & autres grands
personnages, qui autrefois ont regné dans le
monde, & excellé par dessus le reste des hom-
mes par leurs tyrannies & insignes cruautéz, qu'ils
ont malgré la puissance des Demons qui les
tourmentoient, communiqué avec Solon, les
sept Sages de la Grece, le Philosophe Anaxar-
que, Aristote, Platon, Socrate, accompagnez
de Phalaris, d'Andronique & Sardanapale, de
tous les plus fameux Heresiarques, & d'une in-
finité de Magiciens, Necromanciens, Sorciers,
Enchanteurs, Deuins, & autres de mesme fari-
ne; Et resolu entr'eux de faire vn bouleuement
dans nostre empire Tenebreux, sur l'esperance
qu'un Demon indiscret leur a baillé, qu'ils de-
uoient bien tost estre suiuy d'une troupe de ca-
naille de Maltotiers, Brigans, Voleurs, Harpies,

Engences de Vipere, Tygres, Inhumains, Mō-
stre de la Nature, Peste du monde. Chargez de
maledictions, exilez par Arrests des Parlemens,
prests à precipiter dans les enfers, où il y a ap-
parence que par leurs damnables artifices ils fe-
roient prendre les armes à ces grands Capitai-
nes contre nostre souueraine autorité, si nous
leur en permettions l'étrée, veu les preuues ma-
nifestes que nous en auons par la forcennerie
qui les porta ces iours passez à sortir de leurs ca-
chots & se preparer à nous faire la guerre.

A cette fin, nous auons par l'arresté de no-
stre Conseil, deuëment conuoqué dans nostre
Palais Infernal, au milieu des foudres & des
flammes, bruits & tonnerre, où estoient toutes
les puissances qui sont sous nostre domination.
Ordonné pour garentir nostredit Royaume de
semblables desordres, que Iulles Mazarin, que
seul nous reconnoissons auteur & complice des
choses cy dessus mentionnees, sera banny pour
iamais de nostre noire demeure, comme pertur-
bateur de nostre repos, & l'ennemy capital de
la Paix, & de la Concorde, qui est entre nous,
nonobstant les droits de pretentions qu'il y a eu
iusques à present, lesquels nous cassons & annu-
lons, pour s'en estre ledit Mazarin rendu indi-
gne par la deprauation de sa vie & de son mau-
uais Ministere. Et à ce que par vne effronterie
intolerable, il ne vueille forcer nos portes; nous

ordonnons que toutes les aduenues de nos Pro-
uinces , seront fortifiees de puissans ramparts,
armez des plus terribles armes de nos Arcenauls.

Item , Que Charon leue la bonde aux eauës
bouëuses de l'Acheron ; Et si l'infection de ces
Cloacles & Egousts d'Enfer, n'est capable d'em-
pescher ses efforts ; que les furies Megere , Thy-
siphone , Aleeton , s'estudient à composer des
contrepoisons pour opposer à cette peste Sici-
lienne , dont vne once seroit capable de faire
creuer le ventre , & ietter les boyaux & toutes
les tripes de l'Enfer ; attendu qu'il a esté fait &
forgé de la plus fine matiere de ses entrailles,
cuit & recuit dans les montagnes sulphurées de
la Sicile, d'ouëstant ietté, il a cemmencé à vomir
le venin de ses perfidies dans son propre pais,
trop petit à la verité, pour contenir les meschan-
cetez de cet abominable : il a fallu que les Mers
ayent cedé aux torens de maux qu'il destinoit à
toute la terre , lesquels il a fait rouler, & sur Na-
ples , & sur Rome, & sur les lieux les plus saints
de route l'Italie ; & de là sur la pauvre France qui
ne se releuera peut-estre iamais de ses rauages.

Pattant , que nul de nos subiets de quelque
qualité & condition qu'il puisse estre , ne soit as-
sez hardis de s'accoster d vne si mauuaise compa-
gnée, de peur de contracter ses mauuaises habi-
tudes, & par apres, infecter nos Habitans d vne
tache quel'Eternité à grand peine pourroit ef-
facer.

Et pour ces Gens deguisez en hommes, ces pestes de Royaumes, ces sangsuës qui ne se nourrissent que du sang & de la substance des paures, quoi que cette vermine soit les plus naturels enfans des diables, & que l'entree en corps & en ame leur soit deuë par leurs damnables actions, si est ce que nous entendons qu'elle leur soit interdite, & la protection des Demons commise à leur garde, iusqu'à ce que par la Iustice des humains leurs corps soient liurez aux bourreaux, pour en separer les ames par toutes les tortures imaginables, lesquelles seront aussi tost presentees deuant Radamante & Minos, pour resoudre de leurs peines, & leur assigner quelque lieux écartez dans les plus profonds & noirs cachots de nostre domination, sans auoir communication avec les autres, de crainte qu'ils introduisent par leurs inuentions des suiers de diuision & de renolte, abandonnans leurs corps à la iustice des hommes, pour estre par eux reduits en poudre, & leur memoire fletie d'ignominie & d'opprobre. Fait au Siege epouuentable de l'Abysme, Scellé de cire noire.